



FA'ASILASILAGA FA'ALAUUA'ITELE
1 IANUARI 2023

Tau o le Suau'u mo Masina o IANUARI, 2023

Ua fa'alauiloa mai e le Afioga i le Minisita o Tupe, le Afioga ia Mulipola Anarosa Ale Molio'o, tau fou o le suau'u e afua atu i le **Aso 1 o IANUARI, 2023**.

Na saunoa le Afioga i le Minisita, o le a i ai suiga i le tau e fa'atauina ai le suau'u. O le Penisini o le a siitia i le 0.5 sene i le lita mai le \$3.34 i le \$3.35 i le lita, o le Tiso o le a pa'u i le 19.9 sene i le lita mai le \$4.16 i le \$3.96 i le lita ma le Karasini o le a pa'u i le 8.5 sene i le lita mai le \$3.57 i le \$3.49 i le lita.


O le tau o le Tiso ua pa'u mai le tau maualuga sa iai, faapea fo'i ma le Karasini ae o le tau o le penisini sa si'itia laititi i le masina o Novema 2022, lea o lo'o fa'atulagaina ai le tau mo le suauu mo Samoa i le masina o Ianuari 2023.

O se tasi o vaega ua fesoasoani i le fa'amama avega i le tau o le Tiso ma le Karasini e ui ina o lo'o fa'amauiina se siitaga laititi i le penisini, ona o le siitia lea o le tau o le fefa'atauaiga o le Talā Samoa agai i le Talā Amerika e tusa ma le 2.5%.

Ona o popolega o le lalolagi e uiga i le ono pa'u o le tamaoaiga i le lumana'i, fa'atasi ai ma le fa'atonutonuina o le aofaiga o suau'u gaosia e le Fa'alapotopotoga o Atunuu o lo'o Gaosia ma Tufatufaina le Suau'u (OPEC +), o le a avea ma tulaga le mautonu, ma fesuisuia'i ai pea le tau o le suau'u, ma o se vaega e lē o manino po'o fea e agai i ai i le lumana'i.

Tau Fou o Suau'u i Pamu Penisini
IANUARI 2023

Penisini	\$3.35 i le lita
Tiso	\$3.96 i le lita
Karasini	\$3.49 i le lita



O lo'o fa'aailoa atu i le siata o lo'o i lalo le tau o le suau'u i nisi o atunu'u o le Pasefika e pei o Niu Sila, Ausetalia ma Fiti.

	SAMOA	AUSETALIA		NIU SILA¹		FITI²	
	Talā Samoa	Talā Ausetalia	Talā Samoa	Talā Niu Sila	Talā Samoa	Talā Fiti	Talā Samoa
PENISINI	\$ 3.35	\$2.00	\$3.72	\$2.39	\$4.22	\$2.77	\$ 3.54
TISO	\$ 3.96	\$2.02	\$3.76	\$2.27	\$4.01	\$3.06	\$ 3.91


 Hon. Mulipōla Anarosa Ale Molio'o
MINISITA O TUPE

¹ O le tiso i Niu Sila e leai se tiute ona e fa'atoa totogi pea faatauina se laisene mo le mamao e malaga ai. (Fuafua agai le mamao o femalagaiga).

² O le tau o le suau'u i Fiti mai le Aso 1 o Tesema, 2022